

儀禮經傳通解卷第十七

中庸第二十九

中者不偏不倚無過不及之名庸平常也

學禮十二

子程子曰不偏之謂中不易之謂庸

中者天下之正道庸者天下之定理

此篇乃孔門傳授心法子思恐其久

而差也故筆之於書以授孟子其

中庸章句序

此序係後人攙入元為

中庸何為而作也子思子憂道學之失

其傳而作也蓋自上古聖神繼天立極

而道統之傳有自來矣其見於經則

執厥中者堯之所以授舜也人心惟危

道心惟微惟精惟一允執厥中者舜之

所以授禹也堯之一言至矣盡矣而舜

復益之以三言者則所以明夫堯之一

東京大學
東洋文化研究所所藏
漢籍善本全文影像資料庫

書名 儀禮經傳通解殘一卷 南宋刊本
撰者 宋 朱熹 撰
卷 卷首
內容分類 經·禮·三禮總義·宋
索書號 貴重·83
編號 AX10011

[彩色首頁1](#)

[彩色首頁2](#)

[東洋文化研究所漢籍目錄](#) 編號: AX10011

[東洋文化研究所漢籍目錄所藏漢籍善本全文影像資料庫](#) 索書號: 貴重·83

[漢籍善本全文影像資料庫](#) 文本 [儀禮經傳通解殘一卷](#) 南宋刊本

版權所有: [東京大學](#) [東洋文化研究所](#)

[使用上的注意事項](#)

宋本中庸章句

全



中庸章句序

此序係後人攙入之為

中庸何為而作也禮律傳通辨本子思子憂道學之失

其傳而作也蓋自上古聖神繼天立極

而道統之傳有自來矣其見於經則

執厥中者堯之所以授舜也人心惟危

道心惟微惟精惟一允執厥中者舜之

所以授禹也堯之一言至矣盡矣而舜

復益之以三言者則所以明夫堯之一



言必如是而后可庶幾也蓋嘗論之心
之虛靈知覺一而已矣而以為有人心
道心之異者則以其或生於形氣之私
或有於性命之正而所以為知覺者不
同是以或危殆而不安或微妙而難見
耳然人莫不有是形故雖上智不能無
人心亦莫不有是性故雖下愚不能無
道心二者雜於方寸之間而不知所以

治之則危者愈危微者愈微而天理之
公卒無以勝夫人欲之私矣精則察夫
二者之間而不雜也一則守其本心之
正而不離也從事於斯無少間斷必使
道心常為一身之主而人心每聽命焉
則危者安微者著而動靜云為自無過
不及之差矣夫堯舜禹天下之大聖也
以天下相傳天下之大事也以天下之

大聖行天下之大事而其授之際丁寧告戒不過如此則天下之理豈有以加於此哉自是以來聖聖相承若成湯文武之爲君臯陶伊傅周召之爲臣既皆以此而接夫道統之傳若吾夫子則雖不得其位而所以繼往聖開來學其功反有賢於堯舜者然當是時見而知之者惟顏氏曾氏之傳得其宗及曾氏之

再傳而復得夫子之孫子思則去聖遠而異端起矣子思懼夫愈久而愈失其真也於是推本堯舜以來相傳之意實以平日所聞父師之言更互演繹作爲此書以詔後之學者蓋其憂之也深故其言之也切其慮之也遠故其說之也詳其曰天命率性則道心之謂也其曰擇善固執則精一之謂也其曰君子時

中則執中^也謂也^也世之相後千有餘年
而其言^也不異如合符節歷選前聖^也
所以提挈綱維開示縕奧未有若是其
明且盡者也自是而又再傳以得孟氏
為能推明是書以兼先聖之統及其沒
而遂失其傳焉則吾道之所寄不越乎
言語文字之間而異端之說日新月盛
以至於老佛之徒出則彌近理而大亂

真矣然而尚幸此書之不泯故程夫子
兄弟者出得有所考以續夫千載不傳
之緒得有所據以斥夫二家似是之非
蓋子思之功於是為大而微程夫子則
亦莫能因其語而得其心也惜乎其
以為說者不傳而凡石氏之所輯錄僅
出於其門人之所記是以大義雖明而
微言未析至其門人所自為說則雖頗

詳盡而多所發明然倍其師說而淫於
老佛者亦有之矣熹自蚤歲即嘗受讀
而竊疑之沈潛反復蓋亦有年一旦恍
然似有以得其要領者然後乃敢會衆
說而折其中既為定著章句一篇以俟
後之君子而一二同志復取石氏書刪
其繁亂名以輯略且記所嘗論辯取舍
之意別為或問以附其後然後此書之

旨文分節解脉絡貫通詳略相目巨細
畢舉而凡諸說之同異得失亦得以曲
暢旁通而各極其趣雖於道統之傳不
敢妄議然初學之士或有取焉則亦庶
乎行遠升高之一助云爾淳熙己酉春
三月戊申新安朱熹序